

Na osnovu člana 2.13 stav (1) tačka 3. Izbornog zakona BiH ("Službeni glasnik Bosne i Hercegovine" br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), a u vezi s članom 11. Pravilnika o utvrđivanju kvalifikacija i postupku imenovanja članova biračkih odbora ("Službeni glasnik Bosne i Hercegovine" broj: 27/22), Gradska izborna komisija Srebrenik raspisuje:

DRUGI PONOVI JAVNI OGLAS
za izbor kandidata za popunu rezervnog spiska kvalifikovanih osoba za imenovanje
članova biračkih odbora/mobilnih timova/timova za otvaranje vreća i brojanje
glasačkih listića u cilju pravilnog objedinjavanja izbornih rezultata u osnovnoj izbornoj
jedinici 049A Srebrenik

- I. Objavljuje se Drugi ponovni Javni oglas za izbor kandidata za popunu rezervnog spiska kvalifikovanih osoba za imenovanje članova i/ili zamjenika članova biračkih odbora na biračkim mjestima, članova mobilnih timova i članova timova za otvaranje vreća i brojanje glasačkih listića u cilju pravilnog objedinjavanja izbornih rezultata u osnovnoj izbornoj jedinici 049A Srebrenik u cilju provođenja Prijevremenih izbora za gradonačelnika Grada Srebrenik.

II. Uslovi za imenovanje:

Opći uslovi:

1. Prijavljeni kandidat je osoba s pravom glasa.
2. Za člana biračkog odbora ne može biti imenovano lice (član 2.3. Izbornog zakona BiH):
 1. koje se ne može kandidirati u smislu odredbi članova 1.6, 1.7 i 1.7a Izbornog zakona BiH;
 2. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
 3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona;
 4. koje je kandidat za izbore za bilo koji nivo vlasti (na Općim izborima 2018., Lokalnim izborima 2020. i Općim izborima 2022. godine); i
 5. kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

Posebni uslovi:

- da ima najmanje završenu srednju školu, odnosno III, IV ili V stepen stručne spreme;
- da ima prijavljeno prebivalište na području Grada Srebrenik.

III. Potrebna dokumentacija:

1. prijava na Drugi ponovni Javni oglas (popunjen obrazac SG-3),

IV. Rok za podnošenje prijava

Rok za podnošenje prijava počinje teći od dana objave Drugog ponovnog Javnog oglasa na oglasnoj ploči Grada Srebrenik, na internet-stranici Grada Srebrenik i na radio stanici "Radio Srebrenik".

Krajnji rok za podnošenje prijava na Drugi ponovni Javni oglas je petak 03.02.2023. godine do 16 sati.

V. Organ za provođenje postupka

Proceduru izbora kandidata po Drugom ponovnom Javnom oglasu provodi Gradska izborna komisija Srebrenik.

VI. Ostale informacije

Obrazac prijave (obrazac SG-3) kandidati mogu preuzeti na internet-stranici Grada Srebrenik ili u sjedištu Gradske izborne komisije Srebrenik.

Prijavu na Drugi ponovni Javni oglas kandidati dostavljaju u zatvorenoj koverti u sjedište Gradske izborne komisije sa naznakom:

Gradska izborna komisija Srebrenik,

Teritorijalne odbrane 92 bb,

75350 Srebrenik

„Prijava na Drugi ponovni Javni oglas za popunu rezervnog spiska kvalifikovanih osoba za imenovanje članova biračkih odbora-ne otvarati“.

Kandidati će, ako Gradska izborna komisija zatraži, dostaviti dokaze o kvalifikaciji i ispunjavanju uvjeta iz Drugog ponovnog Javnog oglasa.

Nepotpune i neblagovremene prijave Gradska izborna komisija Srebrenik neće uzeti u razmatranje.



Predsjednik GIK-a:

Dr. sc. Rijad Joldić, dipl. pravnik

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
GRADSKA IZBORNA KOMISIJA**

Broj: 378/23

Datum: 30.01.2023. godine